



Broj: 07-25-21407-3/12  
Sarajevo, 03.09.2012.godine.

**SKUPŠTINA KANTONA SARAJEVO**  
**SLUŽBA ZA SKUPŠTINSKE POSLOVE**  
-ovdje-

**PREDMET: Odgovor na poslaničko pitanje, poslanika Enesa Zekovića**

Na Petnaestoj radnoj sjednici Skupštine Kantona Sarajevo, održanoj dana 30.05.2012. godine u okviru tačke Dnevnog reda "Poslanička pitanja, inicijative i odgovori", poslanik Enes Zeković postavio je poslaničko pitanje koje glasi:

*"Kada će biti donesen Pravilnik o postupcima i mjerama u slučajevima akcidenata na vodama i obalnom vodnom zemljištu za vodotoke druge kategorije, shodno Zakonu o vodama, Službene novine Federacije BiH broj 70/06 i Zakonu o vodama Službene novine Kantona Sarajevo broj 18/10?"*

Odgovor:

Članom 61. Zakona o vodama (Sl.novine Federacije BiH broj: 70/06), definirano je postupanje u slučaju akcidenata/ incidenata na vodnom području. Tačkom 9. istog člana propisano je da federalni ministar nadležan za okoliš uz saglasnost federalnog ministra nadležnog za vode, propisuje postupak i mjere koje se preduzimaju u slučaju akcidenata.

U tom pravcu je od strane Federalnog ministra okoliša i turizma uz saglasnost Federalnog ministra za poljoprivredu, vodoprivredu i šumarstvo donesen "**Pravilnik o mjerama u slučajevima akcidenata na vodama i obalnom vodnom zemljištu Sl. novine Federacije BiH broj: 71/09**".

Ovim se Pravilnikom ne razvrstavaju površinske vode na vode prve i druge kategorije, što znači da Kanton Sarajevo nema obavezu donošenja drugog pravilnika, osim ako to nije predviđeno Zakonom o vodama Kantona Sarajevo.

Zakonom o vodama Kantona Sarajevo (Službene novine Kantona Sarajevo broj 18/10, nije predviđeno donošenje posebnog pravilnika za područje Kantona Sarajevo.

Imajući u vidu EU Direktivu o vodama, koja pored ostalog predviđa da se vode trebaju posmatrati kroz riječni sliv, vodno područje i vodno tijelo, ovo ministarstvo je prilikom izrade Zakona o vodama Kantona Sarajevo, bilo stava da u svom Zakonu o vodama nema potrebe za regulisanjem akcidenta mimo usvojenog Pravilnika.

Također napominjemo da je Zakon o vodama Kantona Sarajevo, usvojen 2010. godine te da je usklađen sa Zakonom o vodama (Sl.novine Federacije BiH broj: 70/06), kao i drugim podzakonskim aktima koje je donijela Federacija BiH.



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



Imajući u vidu prethodno navedeno u Kantonu Sarajevo se kada su u pitanju akcidenti, primjenjuje "Pravilnik o mjerama u slučajevima akcidenata na vodama i obalnom vodnom zemljištu Sl. novine Federacije BiH broj: 71/09".

S poštovanjem,

Dostavljeno:

- Naslovu
- Evidencija



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1

